

DISSERTATIO HISTORICO-
ECCLESIASTICA

DE

CVRATIONE MOR-
BORVM

per

OLEVM SANCTVM

ad Marci VI, 13. & Jacobi V, 14 seq.

Quam

Consensu summe Reverendæ Facultatis Theologicæ
in Alma Salana

PRÆSIDE

JOAN. ANDREA Schmid

PROFESSORE PVBLICO ORDINARIO

*Domino Patrono, ac studiorum suorum Promotore omni observantia cultu
etatem suspiciendo*

Publicæ Eruditorum disquisitioni

Ad diem JVNII A. Æ. C. M. DC. XCV.

In Auditorio Theologorum Majori
subjicit

M. CONRADVS GOTHOFREDVS
Bießtrund

Sempronio-Hungarus SS. Theol.
cultor.

JENÆ, Literis MVLLERIANIS.



58700 (17)





JOVA JUVA.



E olei in Sacris usu apud Latinos æque ac Græcos , prolixum quis conscribere , posset commentarium , si saltim Simonis Majoli , Episcopi Vulturariensis , (a) verba sequi vellet. *Fiuntque*, inquit, *ex oleo in ecclesia DEI longè plura sacramentorum arcana , quam rebus quibuscunque aliis :*

Nam adhibetur baptizato , adhibetur cum balsamo confirmando , adhibetur sacerdoti ordinando , adhibetur morienti , adhibetur Episcopo , adhibetur Imperatori , Regibusque , quoque adhibetur ecclesiis & altaribus , adhibetur calici . Interea autem donec occasio nobis data fuerit in singula distinctius inquirendi , hac vice saltem agere lubuit , de curatione omnis generis morborum per oleum sanctum , cujus per multa tempora , ab ipsis Christi diebus in carne ad sequentia secula , plurima exempla adducere possumus . Sic statim nobis se offert factum Apostolorum , quod Marcus notavit cap. VI, 12. καὶ ἐξελθόντες ἐκήρυξαν, ἵνα μετανοήσωσι.

A 2

καὶ

(a) Dier. canic. colloq. XXI. p. 242.

καὶ δαιμόνια πολλὰ ἐξέβαλλον, καὶ ἡλείφον ἑλαίῳ πολλὰς ἀρ-
ρώστας καὶ ἐθεράπευον. *Et exeuantes predicabant ut pœnite-
rent, & demonia multa ejiciebant, & ungebant oleo multos
agros & sanabant.*

II. Etsi autem ex ipsa litera pateat, per hanc un-
ctionem aliam nullam intelligi posse, quam curatio-
nem, infirmos pristinae sanitati restituentem, nihilo-
minus illam (a) Bellarminus ex superabundanti contra
suos quosdam, diversum quid asserentes, non una ra-
tione probavit: *Primò*, inquit, illa unctio, qua ute-
bantur Apostoli, referebatur solùm aut præcipue ad cu-
rationem morbi corporalis, ut ex eo loco patet, unde
etiam sanabantur omnes, qui tum inungebantur: Sa-
cramenta autem per se ad animam pertinent, ad cor-
pus per accidens aut certe secundo. Deinde *secun-
dò* Apostoli eo tempore nondum erant sacerdotes, &
quamvis potuerit Christus etiam per non sacerdotes
sacramenta conferre, tamen non est probabile, eum hoc
fecisse, nec legimus, id unquam factum in sacramentis
magis necessariis, ut in sacramento poenitentiae vel ev-
charistiae &c. *Accedit tertio*, quod Apostoli tunc pro-
miscue ungebant quoslibet ægros, ut cæcos, claudos
&c. At sacramentum unctionis non datur, nisi iis, qui
decumbunt cum periculo vitæ, ut omnes concedunt.
Item *quartò* Apostoli tum, cum inungerent, non quæ-
rebant, essentne baptizati, qui inungendi erant, & o-
mnino probabile est, multos ab eis inunctos, qui infide-
les erant. At certe sine baptismo nihil prosunt sacra-
menta cætera, nec dari possunt aut debent non baptiza-
tis sine peccato &c. Denique Tridentinum concilium
Sess. XII. can. 1. de extrema unctione, dicit hoc sacra-
men-

(a) *Lib. de extr. unctione lib. I. cap. 2. p. m. 1181.*

mentum insinuat. Marc. VI. Dicitur autem insinuari id, quod non expresse proponitur, sed adumbratur, & obscure indicatur. His respondeant illi, qui contrarium ex hoc loco evincere volunt. Nobis sufficiat habere Bellarminum confitentem, curationem hic intelligi, non extremam unctionem.

§. III. De hoc igitur loco certi, ab exemplo Apostolorum & praxi ad mandatum progredimur, quo Jacobus cap. V, 14. seqq. in Ecclesia suos adhortatur, quid circa infirmos & laborantes facere debeant? Ἀδελφεὶ πρὸς ὑμῖν, προσκαλεσάτω τὰς πρεσβυτέρους τῆς ἐκκλησίας, καὶ προσευξάτωσαν ἐπ' αὐτὸν ἀλείψαντες αὐτὸν ἐλαίῳ ἐν τῷ ὀνόματι τοῦ κυρίου, καὶ ἡ εὐχὴ τῆς πίστεως σώσει τὸν κάμνοντα, καὶ ἐγερεῖ αὐτὸν ὁ κύριος, καὶ ἂν ἁμαρτίας ᾖ πεποιηκώς, ἀφεθήσεται αὐτῷ. *Infirmatur quis in vobis, advocet presbyteros ecclesiae & orent super eum, ungentes eum oleo in nomine Domini & oratio fidei servabit laborantem & eriget eum Dominus, & si peccata perpetraverit, remittentur ei.* Eandem vero esse huius loci mentem cum priori illo, putamus constare posse, tum ex identitate subjecti, tum etiam ex eodem unctionis scopo. Quibus accedunt priorum seculorum commentatores vel Marci vel Jacobi, qui nec nobis, nec aliis suspecti esse possunt, hoc ipsò dum à nobis nostrisque rebus remotiores sunt, atque ignari ceremoniarum recens in ecclesiam introductarum, nec non controversiarum nostro demum ævo ventilatarum.

IV. Illos inter primo producimus Victorem presbyterum Antiochenum (a), autorem antiquissimum, sequentia scribentem: *His similia, inquit, exponit Lucas quoque. Verū quod de mystica unctione & olei usubie subiungitur, hoc*

A 3

inter

(a) Comment. in Marc.

inter Evangelistas solus Marcus commemorat. Interim, quæ Apostolus Jacobus in , a canonica narrat, ab his non dissentiunt : scribit enim, infirmatur quis in vobis, inducat presbyteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum, & allevabit eum Dominus. Oleum inter alia & laborum molestias mitigat, & lumen fovet & hilaritatem conciliat. Oleum igitur, quod in sacra unctione adhibetur, & DEI misericordiam, & morbi sanitatem, & cordis illuminationem denotat ; Dici tamen potest, orationem hac omnia efficere : Oleum autem eorum omnium, quæ fiunt, externum tantum symbolum esse. Et septimo seculo Eligius Lemovicensis in sermone illo, qui exstat in Appendice Tomi noni Augustini sub Tit. tractatus vicesimi de rectitudine catholicæ conversationis, idem sentit. Propterea (inquit) quoties aliqua infirmitas occurrerit alicui, non querantur præcantatores, non divini sortilegi, non sortilegorum genus, neque per fontes aut arbores, aut bivia phylacteria exerceantur, sed cum aegrotat in sola DEI misericordia confidat, & eucharistiam, cum fide & devotione accipiat, oleumque benedictum fideliter ab Ecclesia petat, unde corpus suum ungatur & secundum Apostolum, oratio fidei salvabit infirmum & allevabit eum Dominus. Non solum corporis, sed & animæ sanitatem accipiet, complebiturque in illo, quod Dominus in Evangelio promisit, dicens, omnia quacunque petieritis patrem in nomine meo in oratione credentes accipietis &c. His similia habentur Capitularium lib. VI. (a) Ut clerici vel laici phylacteria vel falsas scriptiones aut ligaturas, quas imprudentes pro febribus aut aliis pestibus adjuvare putant, nullo modo ab illis vel à quopiam christi-

ano

ano fiant, quia magica artis insignia sunt; sed pro infirmitate illud, quod Apostoli & canones sanxerunt, id est, orationes & sacri olei unctio fiat.

V. Venerabilis Beda octavo seculo comment: in eundem locum S. Marci, cum Jacobi etiam verba allegasset: Unde patet, inquit, ab ipsis Apostolis hunc S. Ecclesie morem esse traditum, ut energumeni vel alii quilibet aegroti ungantur oleo Pontificali (Episcopali) benedictione consecrato. Similiter dum commentatur in Jacobi verba: Hoc (inquit) & Apostolos fecisse in Evangelio legimus, & nunc Ecclesie consuetudo tenet, ut infirmi oleo consecrato ungantur à presbyteris, & oratione comitante sanentur. Nec solum presbyteris, sed ut Innocentius Papa scribit, etiam omnibus christianis uti licet eodem oleo in sua aut suorum necessitate ungendo; quod tamen oleum non nisi ab Episcopis licet confici: Nam quod ait oleo in nomine Domini, significat oleum consecratum in nomine Domini, vel certe, quia etiam cum ungunt infirmum, nomen Domini super eum invocare debent. Bedam sequitur nono seculo Amalarius Fortunatus Archiepiscopus Trevirensis: (a), Apostoli inquit, hac arte, i. e. oleo utebantur in redintegratione infirmorum, Apostolici viri in consignatione Neophytorum. Quapropter non sine peccato à nobis potest dimitti, quod eorum autoritas consecravit: Sic enim scriptum est in Evangelio: Exeuntes predicabant &c. quibus subjicit verba Bedæ ad Jacobum provocantis. Huc quoque referri debent testimonia Alcuini Lib. de officiis div. & Ordinis Romani paulo prolixiora, infra tamen forte adducenda, quando de consecratione & applicatione hujus olei agendum fuerit.

VI. Ab his non recedit Patrum (b) Cabilonensium de

(a) Lib. de Div. offic. c. 12. (b) Concil. Cabilon. II. c. 48.

decretum : Secundum B. Apostoli Jacobi documentum, cui etiam decreta Patrum consonant, infirmi oleo, quod ab Episcopo benedicitur, à presbyteris ungi debent. Sic enim ait: infirmatur quis in vobis &c. Non est itaque parvi pendenda hujusmodi medicina, quæ animæ corporisque medetur languoribus. Huic addimus ex seculo undecimo testimonium Theophylacti, qui tamen pro more, ut alias Chrysostomum, sic hoc loco Victorem exscripsit. Verba ejus commentario in Marcum sunt seqq. Quod unxerint oleo Apostoli solus Marcus narrat; quod & frater Domini Jacobus in Catholica Epistola dicit: infirmatur quis inter vos, advocet presbyteros Ecclesiæ, & orent super illum, ungentes eum oleo. Est igitur oleum & ad labores utile & lucis fomentum & hilaritatis effectivum, significatque misericordiam DEI & gratiam spiritus, per quam à labore liberamur, & lucem ac gaudium hilaritatemque spirituales accipimus. Et circa eadem tempora Oecumenius Comm. in Epist. Jacobi ad verba: Ungentes oleo: Hoc, inquit, etiam Domino cum hominibus versante Apostoli fecerunt, infirmos ungentes oleo & sanantes. Agmen claudat Cajetanus notissimus ille, præcipue in negotio reformationis, Cardinalis, qui ad locum Jacobi: Nec ex verbis, inquit, nec ex effectu verba hæc loquuntur de sacramentali unctione extrema unctionis; Sed magis de unctione, quam instituit Dominus JEsus in Evangelio à discipulis exercendam in agrotis. Textus enim non dicit: Infirmatur quis ad mortem, sed absolute: infirmatur quis, & effectum dicit infirmi allevationem, & de remissione peccatorum non nisi conditionaliter loquitur, cum extrema unctio non nisi prope articulum mortis detur, & directe (ut ejus forma sonat

sonat) tendit ad remissionem peccatorum. Præter hoc quod Jacobus ad unum ægrum multos presbyteros tum orantes tum ungentes mandat vocari, id ab extrema unctionis ritu alienum est. Sed satis testimoniorum circa utrumque locum Jacobi & Marci.

VII. Ad exempla dum progredimur, Justinus Martyr & Irenæus curationum, virtute divina peractarum, mentionem quidem faciunt, an illæ autem, quod tamen pro ratione praxeos illorum temporum probabile, mediante oleo factæ sint, non exprimunt. Primus est Tertullianus, qui in libro ad Scapulam (a), exemplum tale adducit. Nam & cujusdam Notarius cum à Demone præcipitaretur, liberatus est : Et quorundam propinquus & puerulus, & quanti honesti viri (de vulgaribus enim non dicimus) aut à demoniis aut valetudinibus remediati sunt. Ipse etiam Severus pater Antonini christianorum memor fuit. Nam & Proculum Christianum, qui Torpacion cognominabatur, Eubodæ procuratorem, qui eum per oleum aliquando curaverat, requisivit. Et in palatio suo habuit usque ad mortem ejus, quem & Antoninus optime noverat, lacte christiano educatus. Huc forsitan referri potest, quod habetur in libro de præscriptionibus adversus hæreticos, (b) de mulieribus hæreticis : Ipsæ, inquit, mulieres hæreticæ quam procaces, quæ audeant docere, contendere, exorcismos agere, curationes repromittere, forsitan & tingere. Ubi per curationes repromittere nihil aliud videtur intelligere, quam exiraordinarie per oleum ægrotos restituere, cum author alios actus ministeriales recenseat, nimirum docere, contendere, exorcismos agere & tingere. Seculo quarto Hieronymus in vita.

B

Hila-

(a) Cap. IV. pag. m. 92. Edit. Pameliana col. Agryp. 1617.

(b) cap. XLI p. m. 241.

Hilarionis Monachi (a) similem curationem, benedicto oleo factam, notavit. *Ecce autem (inquit) sitiens arenosaque regio, postquam pluviis irrogata est, tantam serpentum & venenatorum animalium ex improvise ebullivit multitudinem, ut percussi innumerabiles, nisi ad Hilarionem concurrissent, statim interirent. Benedicto itaque oleo universi agricola, atque pastores tangentes vulnera, certatim salutem resumebant. Et alibi de eodem (b) refert, Constantia cujusdam sanctæ fœminæ generum, & filiam unctione olei de morte liberasse.*

VIII. Martinus Episcopus Turonensis, si Sulpitio Severo (c) credimus idem præstitit. Curationum enim tam potens in eo gratia erat, ut nullus fere ad eum ægrotus accesserit, qui non continuo receperit sanitatem: quod vel ex consequenti liquebit exemplo. Treveris puella quædam, dira paralyfis ægritudine tenebatur ita, ut jam per multum tempus nullo ad humanos usus corporis officio fungeretur, omni ex parte præmortua, vix tenui spiritu palpitabat. Tristes ad solam funeris expectationem assisteabant propinqui; cum subito nuntiatur ad civitatem illam venisse Martinum. Quod ubi pater puellæ comperit, cucurrit, exanimi pro pro filia rogaturus. Et forte Martinus jam Ecclesiam fuerat ingressus. Ibi inspectante populo, multisque aliis Episcopis præsentibus, ejulans senex, genua ejus amplectitur dicens: *Filia mea moritur misero genere languoris, & quod ipsa est morte crudelius, solo spiritu vivit, jam carne præmortua. Rogo ut eam adeas; atque benedicas: Confido enim quod per te reddenda sit sanita-*

(a) cap. XXVII. (b) cap. XXXIIX. (c) In vita Mart. cap. XVI. p. m. 197. seq.

ti. Qua ille voce confusus obstupuit & refugit dicens, hoc suæ non esse virtutis, senem errare iudicio, non esse se dignum, per quem Dominus signum virtutis ostenderet. Perstare vehementius flens pater, & orare ut exanimem visitaret. Postremo à circumstantibus episcopis ire compulsus, descendit ad domum puellæ. Ingens turba pro foribus exspectabat, quidnam Dei servus esset factururus. Ac primum, quæ erant illius familiaria in istiusmodi rebus arma, solo prostratus oravit. Deinde ægram intuens dari sibi oleum postulat: quod cum benedixisset, in os puellæ vim sancti liquoris infudit, statimque vox reddita est. Tunc paullatim singula contactu ejus cœperunt membra viviscere, donec firmatis gressibus, populo teste surrexit. De Macariis duobus, & Pambo atque Heraclide & cæteris Antonii discipulis, refert Sozomenus. (a) Δέχεται ὁ τότε πρεσβυτέρως αὐτοῖς ἐπιθήσει τῶν στρατιωτῶν, διακομιδῆναι τινα πρὸς αὐτὸς ἐκ πωλῶν τα ἄεθρα ἀπεσκληρότα, καὶ ἐπὶ ποδῶν εἶναι μηδὲν δύναμενον· ἐπεὶ ὁ ἐλαίῳ ἴστων ἔχρισαν, παρέκελεύσαντο, ἐπ' ὀνόματι χριστοῦ, ὃν λόγιος διώκει, ἐξανίστασθαι, καὶ οἰκαδὲ ἀπέναι· ἐξαπίνης ὁ ὑγιὲς γενόμενος ὁ ἄνθρωπος. Porro eo ipso tempore, quo milites in eos impetum facturū erant, quidam ad eos perlatus esse dicitur, cujus artus jam dudum ita arefacti erant atque extenuati, ut pedibus insistere non posset: quem cum oleo unxissent, jusserunt ut in nomine Christi, quem Lucius persequēbatur, exsurgeret ac domum rediret. Ille autem repente sanatus. Palladius verò in Historia Lausiaca (b) de Beniamine Nitriensi Monacho, dignatus (inquit) fuit gratia curationum, adeo ut cuicunque manus imposuisset, aut quod be-

(a) H.E.L.VI.cap.20.p.662. seq. (b) cap.XIII.

nedixerat oleum, dedisset, qui laborabat, liberaretur ab omni agitudine. Apud eundem Joannes Lycopolites, (a) cum cuidam fratri vehementer febricitanti tradidisset oleum, jussit eum inungi. Cum is autem se inunxisset, quicquid intus habebat, per os emisit, & à febre omnino liberatus, propriis pedibus recessit ad hospitium. Idem Ioannes mulierem quandam, senatoris viri uxorem, pupillis oculorum albugine obductis laborantem misso oleo, quo illa tres dies oculos inuncta est, sanavit. Hunc ait Palladius non peregissemus quidem aperte curationes, dedisse vero oleum & ita multos curavisse. Augustinus (b) etiam scribit Hipponensem quandam virginem, cum se oleo perunxisset, cui pro illa orans presbyter instillaverat lacrymas suas, mox à dæmonio fuisse sanatam.

IX. Plurima talia exempla leguntur apud Gregorium Toronensem (c) de Hospitii Nicensis reclusi miraculis, multa narrantem, sensisse nimirum aliquando virum beatum per spiritum Domini adesse virtutem, jussisseque infirmum sibi repræsentari. *Qui cum venisset ille, inquit Gregorius, assumpto oleo benedictione sanctificato, tenens manu sinistra linguam, ejus ori, verticique capitis infudit, dicens in nomine Domini mei Jesu Christi aperiantur aures tue, reseretque os tuum virtus illa, quæ quondam ab homine surdo & muto noxium ejecit demonium. Et hæc dicens interrogat nomen, ille vero (qui hætenus mutus & surdus fuit) clara voce ait, sic dicor. Mox alium quendam nomine Dominicum à nativitate cæcum eodem modo memorat sanatum, oleo bene-*

(a) cap. XLIII. (b) Lib. XXII. de Civ. D. cap. 8.

(c) Hist. Franc. lib. 6. c. 6.

dicto (inquit Gregorius) super oculos ejus crucem sanctam faciens Hospitius ait: In nomine JESU Christi redemptoris nostri aperiuntur oculi tui. Et statim aperti sunt oculi ejus. Sic etiam mulier quædam energumena, cum eam ille tactu sacro benedixisset, atque ex oleo sancto crucem fronti ejus imposuisset, ejectis dæmonibus, purgata discessit. Septimo quoque seculo usum hujus olei à Cuthberto Lindisfarnensi Episcopo adhibitum fuisse testatur Beda: (a) Dum more suo (inquit) pertransisset universos docendo, devenit in vicum quendam, in quo erant sanctimoniales non multe, quarum una tenebatur gravissimo languore depressa. Per integrum namque annum intolerabili capitis & totius lateris alterius dolore vexata, funditus à medicis erat desperata, indicantibus autem de illo viro DEI, & pro sanatione ejus obsecrantibus his, qui venerant cum eo, miseratus ille miseram unxit oleo benedicto; quæ ab illa mox hora meliorari incipiens, post dies paucos plena sospitate convaleuit.

X. Nec desunt in monumentis Ecclesiæ græcæ, à Joh. Bapt. Cotelerio editis, talia exempla præcipue de oleo in Euthymii sepulchro reposito. (b) τὸ ὅτι τὰς αἰσλούς χεῖρας καὶ καίσαριός τις Αντιοχεύς, πᾶσαι ἰνὶ περὶ πτωματικῶ, σφόδρα χαλεπῶ ἐπεὶ ὁ τῷ χεῖρος ἡπὸρει θεραπεύσεως ὡς τὸν τάφον καταφύγει ἢ θάνατος εὐθιμῆς; καὶ τὸ ἐκείθεν ἔλαιον, ἀπαλαγὴ τῆ πάθους εὐθύς, τῷ ἀνθρώπῳ γίνεσθαι, μόνον ὅτι χεῖρας. Sub eadem etiam tempora (regnante Anastasio) Casarius quidam Antiochenus, incidit in corporis morbum gravissimum. Quoniam vero deerat manus curatrix, confugit ad sepulchrum admirabi-

B 3

rabi-

(a) in vita Cuthb. c. 30. (b) in vita Euthymii Tom. II. §.

rabilis Euthymii, & quod illinc erat oleum, fit statim homini morbi depulsio, ubi duntaxat inunctio facta est. In eadem vita (a) notatur de muliere, quam dæmon gravis invaserat. Hæc cum viro monasterium adiit, faciens ea quæ poterat, jejuniis utens & oratione, singulisque vespers bibens ex thecæ aqua sanctificata cum oleo lucernæ. Porro tertia consequenti nocte, ei magnus apparens Euthymius, ecce, inquit, sana facta es, vade in domum tuam, statimque & morbus est dissolutus, & cessavit insania, demumque mulier mentis compos revertitur. (b) Similiter in vita Sabæ quæ quoque in monumentis continetur, puella ab impuro dæmone vexata, per oleum omni cultu dignæ crucis curata fuit. Plura exempla Ecclesiæ græcæ, sæpe dubia, suspecta & superstitiosa vid. collecta apud Carolum du Fresne, (c) ex vita Jo. Solitarii, Eudocimi, Cyri & Johannis, Pachomii, Nili Junioris, Georgii Mart. Eupraxiæ Virginis, Artemii, Lucæ Junioris, Bachi Junioris, &c. nec non ex Ecclesia latina apud eundem du Fresne. (d)

XI. Eundem morem adhuc hodie retinet Ecclesia græca Orientalis, ceu patet ex Evchologio sive Rituali Græcorum, quod nobis exhibet. Ακολουθίαν τῆς ἐλαιῆς, *Officium sancti olei.* Hoc autem sanctum oleum ejusque officium diversum esse à Latinorum extrema unctione, coguntur quidam Ecclesiæ Romanæ addicti fateri. Sic enim Jac. Goar. scribit: Pluribus diligenter & curiose volutis M. S. Romanis codicibus, vix unum

(a) Loc. cit. p. 325. (b) Tom. III. p. 329. (c) Glossar. med. & infimæ græcitat. p. 371. seq. (d) in Glossario. med. & inf. latinitatis Tom. III. p. 44. adde etiam Job. Dal- leum libro 2. de extrema unctione cap. 6. p. 84. seqq. (e) pag. 408. seqq.

num reperire potui; in quo unctionis extremæ scriptum manifeste reperirem officium : Unde & in doctissimi Allatii paratus ire sententiam, qua censet, Orientalem Ecclesiam hoc ultimo sacramento destitutam. Atque id conformiter Græcorum confessioni, quam edidit Metrophanes Critopulus Hieromonachus quidam & Patriarchalis Constantinopolitanus protosyngelus, beatus a Jo. Horneius latinitate donavit Helmst. 1661. In ea expresse sequentia proferuntur : καλεῖται δὲ ἰσὶν εὐχέλαιον, ὃν ἔχεται χεῖρσις, ὃ καὶ μὲνόμεν τὰ λοιπὰ τὰ κάμνοντος καὶ τὸτ' εἰς ταύτην ἐρχόμεθα, ἀλλ' ἐτι ἐλπίδας ἀγαθὰς ἔχοντες, ὑπὲρ τῆς ὑγείας ἐκεῖναι χρώμεθα ἰσὶν τῷ μυστηρίῳ, εἴτ' ἐν μυστηρίῳ δειπλεῖται, δεόμενοι τῷ Θεῷ, ἰατρεύσαι τὸν καὶ τῆς νόσου διὰ τοῦτο ἀπαλλάξαι, ὅτε σὺν ἀπαρ τῶν βίαι, ἀλλὰ καὶ πολλαῖς ἐξῆσι χεῖρσιν ἰσὶν καὶ τῷ Θεῷ καὶ, τοῖς ἱαματικοῖς φαρμάκοις ποσάυταις χρώμεθα, ὅσας νοσήσομεν. *Ceterum hoc Euchelaum, non vocatur extrema unctio; neque enim extrema agroti expectamus, & tunc ad hanc accedimus: Verum bene adhuc de valetudine ipsius sperantes, utimur isto mysterio sive mystica ceremonia, precantes Deum, ut sanare eum velit atque à morbo quam citissime liberare. Itaque non semel (duntaxat) in vita: sed & sæpius illo uti licet, quemadmodum etiam medicantia pharmaca toties adbibemus, quoties agrotamus. Nec abludit ab illa ultimo edita confessio orthodoxa catholicæ atque apostolicæ ecclesiæ orientalis per Nectarium DEI misericordia patriarcham sanctæ urbis Hierosolymorum, omnisque Palastinæ Constantinopoli anno cIcIcLXII, & hoc anno cum interpretatione latina Lipsiæ primum data per Laurentium Normannum, Regium in Academia Upsaliensi Græcarum literarum & Sanctæ Theologiae*

gia Professore celeberrimum. Etsi enim hæc, τὸ εὐχέλαιον oleum benedictum inter septem mysteria referat, tamen ex quaestione 117. & quaestione 119. constat, quod sanitatem corporis quoque respiciat. Sic enim se habet responsio ultima. Τα διάφορα καὶ καρπὸς ὅπῃ γεννῶνται ἀπὸ τοῦ μυστήριον τῆτο, ὁ Ἀπόστολος Ἰάκωβος ἵδὲς ἐρμηνεύει λέγωντας ἅφθισιν ἀμαρτιῶν, ἢ σωτηρίαν ψυχῆς, ἔπειτα ὑγείαν τῆ σώματος, καλὰ καὶ πάντοτε ἡθερραπεία ἵδὲ σώματος γὰρ μὴν γίνεταί, ἀλλ' ἢ ἅφθισις τῶν ἀμαρτιῶν τῆς ψυχῆς πάντοτε εἰς τοῦ μεταγῆθι ἀκολῆθῃ. *Emolumenta ac fructus mysteriorum enarrat Apostolus Jacobus, (loco modo adposito :) Nimirum criminum admissorum gratiam, sive salutem animæ, atque sanitatem etiam corporis, quæ utut non semper obtineatur, certe remissio peccatorum animæ in pœnitente semper obtinetur.*

XII. In Ecclesia Latina posteriori quoque tentam fuisse unctionem infirmorum, distinctam ab extrema unctione, constat ex Rationali Guilielmi Durandi. (a) Agnoscit & Baronius (b) duplex genus unctionis, quod ad curandos infirmos à Christianis adhiberi consuevit, reperiri; alterum quod ab Episcopo solenniter benedicatur, & per presbyteros ministratur infirmis; quod cum & vim habeat dimittendi peccata, sacramentum dictum à majoribus habetur, nec aliis quam fidelibus, sicut cetera sacramenta, tribui solet; alterum vero, quod passim à quibuscunque fidelibus ad sanandos quoscunque egrotos, supra vim naturalem divina adjuvante gratia, adhiberi solitum fuit, cujus tamen nulla sit virtus sacramenti, sed quod contineret virtutem, quam fides, vel merita dantis vel suscipientis, prævia benedictio-

ne

(a) lib. 1. p. m. 11. a. & lib. 6. p. m. 102. b. 103. a. ad ann. Christi 63. S. 31. p. m. 685. seq.

ne signo crucis impertita, soleant impetrare. Horum alterum in Jacobo, in Marco alterum testatum habetur. Quemadmodum vero recte scribit Baronius, alterum unctionis genus contineri in Marco, nim. illud quod sanationi infirmorum destinatum fuerat, sic in eo errat, dum alterum, quod sacramentum esse volunt, in Jacobo contineri putat, ceu infra patebit. Ut nunc nihil dicam, eum ne recte quidem sentire circa unctionem infirmorum quorumlibet, cum fidei jungat merita vel dantis vel suscipientis, quæ soleant virtutem impetrare.

XIII. Sic ergo usum olei in curandis infirmis ab ipsis Christi diebus, primordiisque Ecclesiæ Novi Test. ad hæc usque tempora, maxime in Græca Ecclesia, satis jam prolixè deductum putamus. An verò ultra illa tempora ex aliis Hebræorum modis inungendi in Vet. Test. usitatis deduci debeat, non satis liquet. Certe in Vet. Test. non extat exemplum curationis morborum per oleum; licet forte extra codicem sacrum testimonia adducere possemus, de viris in Synagoga Judaica claris, è quibus forte usus olei etiam in synagoga antiquiori colligi posset. (a) *Dicit R. Simeon Ben Elieser: Permisit R. Meir vinum atque oleum miscere, atque agrotos ungere, sabbato. At cum iste aliquando egrotaret; nosque idem ei facere vellemus, non permisit.* (b)

XIV. Simplex autem an compositum fuerit hoc medicamentum, iterum variant authores, pro diversis ecclesiarum constitutionibus. Primis temporibus fuisse adhibitum oleum olivarum, maxime probabile est: partim quia, si absolute ponatur oleum, simpliciter illud intel-

(a) Hieros. Berac. fol. 3. 1. (b) recitatur hac historia Schabb. fol. 14. 3.

intelligi videtur: partim quod etiam in Vet. Test. ad praeceptum divinum illud adhibitum fuit; partim quia in Palaestina ejus non exigua dabatur copia. Hujus vero 2 species olim erant. (1) Quod sponte fluebat ex olivis. (2) Quoddam excussum, & ultimo. (3) Quoddam erat expressum. De qua ultima specie Columella. (a) *Bacca diligenter mundata protinus in torcular deferrebantur, novisque fiscinis incluse integræ, prelo subiciebantur, ut quantum posset paulisper exprimeretur. Postea resolutis corticulis emoliebantur. Quod deinde primum effluxisset in rotundum labrum protinus copulator deplebat. & in fictilia labra huic usui preparata defun-
debat &c.* Mola vel submitti vel etiam elevari poterant pro magnitudine baccarum, ne nucleus, qui saporem olei vitiat, confringeretur. An vero semper una ex his speciebus adhibita fuerit, an vero indifferenter nunc hæc, nunc illa, determinari à nobis vix poterit: licet probabile sit in tali casu optimam, si haberi potuerit, fuisse sumptam. Caterum etiam Hieronymus in comment. ad XIV. Hos. (b) ad oleum olivæ præcipue respicit, scribens. *Cujus olivæ fructum quinque sibi sapientes virgines paraverunt. Ex quo vulnerum mitigatur tumor: languentis membra requiescunt: In tenebris lumen accenditur: unguuntur in agone certantes.* In Ecclesia latina hodiernum requiritur oleum olivarum. In Ecclesia autem græca oleum vino miscetur, respectu habito ad parabolam, in qua Samaritanus ei, qui in datrones inciderat, infudit vulneribus oleum & vinum. (c) Quam rationem etiam dedit Metrophanes Critopulus. (c) Non ergo video cur in officio S. olei, quod

(a) Lib. XII. cap. 50. (b) Tom. VI. f. 24. E. (c) Loc. cit. pag. 120.

quod habetur in Evchologio Græcorum, (a) hic mos restringatur ad magnam Ecclesiam: ἵνα οὐκ ἐν τῇ μεγάλῃ ἐκκλησίᾳ αὐτῇ ὁδοῖτο, δύνοντες τῆς παντάλας τῆς εὐχαλαίας βαλάντιον. *Sciendum in magna Ecclesia, vice aqua, vinum in lucernam oleum benedictum continentem infundi.* An vero etiam particula veræ crucis (ex qua oleum sanctæ crucis dictum volunt) immixta olim fuerit, dubitando saltim proponit Car. du Fresno; (b) cum vel nullis authorum testimoniis hæc sententia fulciatur, vel si in quibusdam locis, de ligno S. crucis (re admodum dubia) gloriantibus, id factum fuisse concederemus, non tamen ex omnium Ecclesiarum more ita constitutum diceremur. Mentionem quidem fecit hujus olei Gregorius M. (c) à Leontio exconsule transmissi sequentem in modum scribens. *Hoc etiam valde gaudemus, ut munera quæ transmissis vestris moribus dissimilia non fuerint. Oleum quippe Sanctæ crucis: Et aloes lignum suscepimus. Unum quod tactum benedicat. Aliud quod per incensum redoleat.* Non autem exprimit unde ita appelletur, aliud enim est quod scribit Beda: (d) *De nodis ligni sancti liquorem odoriferum oleo similem profluxisse, cujus si etiam modica particula contingeret, omnem agritudinem sanabat.* Hausit id ab Adamnano, (e) qui an ex fama, an ex certa alicujus Ecclesiæ consuetudine referat, non constat: potius infra cum de consecratione hujus olei quædam dicenda erunt, ex alio capite denominationem olei sanctæ crucis deducemus. Denique non tam ad materiam quam ad actionem

C 2

nem

(a) pag. 413. (b) Glossar. Græc. pag. 372. (c) Lib. VII.

Indictione I. Epist. XXXIV. f. 1403. M. (d) De Locis

h. b. c. 20. (e) Lib. III. de Terras sanctæ c. 3.

onem circa materiam referri debent, preces per quas oleum illud tum consecratum tum adplicatum fuit; & exinde *Ευχέλαιον* oleum cum oratione consecratum, si- ve oleum precum siue precatiolium dicitur, (a) de quo iterum suo loco.

XIV. Ex his omnibus tamen colligi potest, oleum hoc à Græcorum unguento, (b) quod Græci post baptis- mum adhibere solent, diversum esse: cum hoc variis a- romatum speciebus (c) constet, illud non item. Imo ipsa vox *μύρον*, (d) quam *ἀπὸ τῶν ἐλαίων* diversam statuit Cyrillus; plurimum sibi ad invicem admixtorum con- geriem sonat; quod ex Justinī M. (e) loco inferri pro- clive est, καὶ ὅτι τὸ χρίσμα πᾶν ἐλαίῳ, εἴτε σκετῆς, εἴτε τῶν ἄλλων τῶν τῆς συνθέσεως τῶν μύρων χρισμάτων τῶν ἡν, ὁμί- ως ἀπεδείξαμεν. *Non minus quoque chrismata & unguen- tum omne, siue olei, siue aloæ, siue aliarum ex unguento- rum compositione unctionum, hujus fuisse, itidem osten- dimus.*

XV. Cur autem præcise oleum elegerint, non duntaxat ex consuetudine multorum temporum con- stanti, sed etiam ex eo deducunt, quod oleum divinæ misericordiæ typum præ se ferat. Sic enim Simeon, Thessalonicensis, διὰ τὴν καὶ ἐν τῷ ἁγίῳ καὶ μεγάλῳ μύρῳ καὶ ἔλαιον ἐν τῷ εὐχελαίῳ, ὅτι καὶ ἐν ταῦτα τύπον θεοῦ ἐλέους ἔχει ἔλαιον. *Qua ratione in sancto, & ma-*
gno

(a) à Io. Iac. Hoffmanno Lex. Univ. cont. T. II. p. 287. (b) De quo vid. Metroph. Critopol. l. c. cap. II. p. 87. seqq. Or- thodoxa confessio E. C. recentior jam citata quæst. 104. seqq. pag. 161. seqq. (c) Quas vide singulas in Eucbologio sæ- pius citato enumeratas p. m. 637. & seqq. ex diversis Mssis Barbenni. (d) Catech. 3. (e) Dial. cum Tryph. Iud, p. m. 313. B.

gno unguento, & in extrema unctione (sic communiter Latini reddunt εὐχέλαιον) adhibetur oleum. Quia tam hic quam ibi divinae misericordiae typum praefert oleum. Et jam ante ipsum Theophylactus in cap. VI. Marci p. 218. Ἔστι τὸ ἐλαίον καὶ πρὸς κύπρις ὠφέλιμον, καὶ φωτὸς αἴτιον, καὶ ἡλαρότητος πρέζενον, καὶ σημαίνει τὸ ἔλεος τῆς Θεᾶς, καὶ τὴν χάριν τοῦ πνεύματος, δι' ἧς καὶ κύπρον ἀπαλλάττομεθα. Φῶς καὶ χαρὰν, καὶ ἡλαρότητα πνευματικὴν δεχόμεθα. Oleum & ad labores utile est, & lucis fomentum & hilaritatis effectivum, significatque misericordiam DEI, & gratiam spiritus, per quam à laboribus liberamur, & lucem ac gaudiū, hilaritatemq; spiritualē accipimus.

XVI. In Rationali Guilielmi Durandī, (n) ad quaestionem, quare infirmi & catechumeni oleo intinguntur? respondetur: ut ex visibilibus invisibilia facilius capiantur: Sicut enim oleum, fugando infirmitatem, recreat artus fessorum, & de sui naturalis lumen praestat.: sic credendum, quod unctio olei consecrati, quoddam est signum fidei: peccata fugando sanitatem animae confert, & lumen ei praestat. Siquidem oleum visibile in signo: oleum, invisibile in sacramento: & oleum spirituale intus est. De oleo infirmorum auctoritatem accepimus ab Apostolis: de oleo catechumenorum ab Apostolicis &c. Tirinus aliam adducit rationem, nimirum unctionem illam nudam ceremoniam fuisse, ad hoc solum adhiberi jussam à Christo, ut congruo symbolo testatum facerent Apostoli, se missos à Messia, seu à Christo, id est, Unctō; virtutemque qua aegrorum corpora curabant, ab eo promanare, quem unxit Deus oleo laetitiae prae consortibus suis.

XVII. An verò oleum hoc, primis statim temporibus

bus consecratum per preces, quando simul applicatum fuit, an verò consecratum & ad futuros demum usus aservatum, definiri satis non potest. Quamvis forte probabilius quid sit, si prius asseramus; quemadmodum & posteriori ævo Græci non videntur oleum infirmis ungendis in vase separato aservare, nisi forte in magna Ecclesia, in una ex appensis lampadibus, quæ idcirco vocabatur *κανδήλα ἡ εὐχέλαια*, prout videre est in officio olei. S. (a) Distinctius hæc exponit Thesalonienſis: *καὶ ἔλαιον*, inquit, *ἐν φωταγωγῷ ὑπὸ βαλάνειον, ἢ ἐν σκέυει, ἢ ἄλλῳ τινί, ἐν ᾧ καὶ ἑπτὰ ἀνάπτεται φωτὶ καὶ ἀριθμὸν τῶν ἱερέων, καὶ εἰς τύπον τῶν χειρῶν τῶν πνεύματος: καὶ ὅτι ὡς λυχνία δια ἡς ἁγίαις ἐλαίαις γίνεται, καὶ ὡς ὁλοκαύτωσις καὶ θυσία καθαρά θεῷ ἀναφέρεται.* Oleum deinde in lucernam immittitur, aut in vas aliud, in quo septem elychnia juxta sacerdotum numerum & in figuram gratiarum spiritus accendantur, & quia ut lucerna per sanctum oleum evadit & velut holocaustum & sacrificium mundum DEO offertur. Alias autem videtur, ac si tum demum, cum applicari debuit, consecraretur sive in templo, si ægrotus eo venire potest: sive in domo, si morbo oppressus in templum ire non valuerit, dum precantur: *ἁγιάσον τὸ ἔλαιον τῆτο* sanctifica oleum hoc. (b) Ex historia autem medii ævi apparet, oleum hoc consecratum prius, postea fuisse aservatum vel in lucerna, vel repositum in sepulchris martyrum.

XVIII. Ad consecrandum requiruntur hodie imo multis retro temporibus à Græcis ordinarie septem presbyteri, licet fieri possit, ut pauciore sint quam se-

(a) Euchol. p. 413. (b) Critopulus l. c. p. 119. seqq.

septem, imo ut aliis absentibus numerus ad unum contrahatur. Rationem numeri septenarii nobis suggerit Simeon Thessalonicensis : *Et DEI quidem frater Jacobus presbyterorum numerum non exprimit : at verò septem esse vocandos consuetudine traditum est : quod fieri arbitror propter dona septem, quæ apud Esaiam numerantur : vel propter illos septem antiquæ legis sacerdotes, qui divino jussu circumcunctes urbem Hiericho, septies tubis cecinerunt & mœnia diruerunt : ut etiam septem sacerdotes nequitia urbem diraque mœnia altitudinem peccati demoliantur : vel etiam tanquam mortua existente anima, ut supra puerum istius Sunamitidos, ad imitationem propheta septies orent sacerdotes, & eam suscitent, prout sane excitavit puellum Eliseus, septies reversus, septies iterum precatus : vel quemadmodum Elias septies orans, cœlum quod percuntibus clauferat, iterum aperuit atque deduxit pluviam ; sic isti septies deprecati, solvant quidem squallorem peccati, accepto verò gratia clavi, non secus atque Petrus aperiunt cœlum, atque misericordiam remissionis, velut imbrem à DEO deducant. Is autem sensus est, ut mea fert sententia, septenarii numeri. Quamvis vero pauciores admittat Simeon presbyteros, plures tamen uno adesse vult, notante Goarō, (a) quod an ex necessitate sit non videmus, cum referente Critopulo (b) unus reliquorum officia supplere possit, ceu statim dicitur. In latina ecclesia consecrandi officium videtur ab Episcopo solo peractum, ut apparet ex Innocentii primi epistola & Decentium Eugubinum Episcopum, ex concilio Cabilonensi supra citato, Aquisgranensi statim citando, & ex Capitularium libro sexto*

(a) l.c.p.431. (b) l.c.p.119. & 121.

Sexto Cap. CLXXIX. ubi omnes presbyteri oledm infirmorum ab Episcopo expetere jubentur.

XIX. A Iacobo non determinatur numerus presbyterorum accersendorum, sed absolute dicitur: accersat presbyteros Ecclesiæ. Per hos autem intellectos vult Seldenus^(a) non solum christianos, nec solum ordinatos, sed presbyteros seu Christianos seu Iudaicos qualescunque, adeoque presbyteros plateæ, privatos, vulgares, laicos, juxta usum vocis apud Hebræos tunc notissimum. Etenim epistola hæc catholica scribitur, duodecim Tribubus τοῖς ἐν τῇ διασπορᾷ quæ in dispersione sunt: ad universos igitur Iudæos sic dispersos, quos fratres indiscriminatim passim vocat, tamen non credentes, interim eos invitans ad fidem. Et advertendum statim verba illa de presbyteris, oratione ac inunctione facta, apud S. Iacobum seq. ἐξομολογεῖσθε confitemini &c. quibus præscribere videtur, quod res tota in peccatorum confessione, eaque inter se adinvicem, & in oratione efficaci, quæ in omnes cadere possunt, revera consistere potuisset. Quæ uti non repugnant ab initio ita fuisse; postea tamen praxin, in utraque Ecclesia, aliter se habuisse, ex superioribus constare arbitror. Interea posteriora illa, quæ de confessione dicit Seldenus imò etiam priora, distinctius proponit Piscator in Analyti ad caput quintum Iacobi: *Præcipit quid agendum sit ægrotis & pro ægrotis. Ægrotis duo præcipit, unum ut accersant presbyteros Ecclesiæ, & petant pro sua valetudine orari. Alterum, ut si conscii sibi sint singularium peccatorum, quibus istum morbum sibi videantur attraxisse, confiteantur illa presbyteris, vel etiam aliis fidelibus,*

pe-

^(a) De Synedr. Vet. lib. II. cap. VII. p. 352. & 362.

petantque orari pro illorum remissione. Presbyteris, itemque aliis fidelibus qui agrotos invifunt, item duo precipit: unum ut pro agroto orent, alterum ut eum ungant oleo in nomine Domini, hoc est, invocato Domino, vel ex mandato domini, id quod restringendum est ad illos, qui à Domino tum acceperant donum miraculose sanandi, adhibita unctione tanquam sacramento seu sacro signo.

XVIII. Tempus, quo officium S. olei peragri solebat, sine dubio pro diversa Ecclesiarum consuetudine, vel diurnum vel nocturnum fuisse observamus. De priori non videtur esse dubitatio, posterius autem colligimus ex ordine, quem Goar (a) ex Card. Barberini MS. evchologio excerptum nobis dedit, cujus inscriptio non duntaxat monet, oleum sanctum pro agrotis vespere faciendum esse, sed etiam ex cantione diversa apparet, dum officium matutinum modulum habet Θεὸς ὑψίστος; nocturnum vero illo derelicto substituit lugubre Alleluja. Accedit quod in ipso ordine (b) παννυχίς, quasi per totam noctem productum, dicatur.

XIX. In ecclesia Latina oleum infirmorum consecratur feria quinta hebdomadis magnæ, teste jam olim Alcuino libro de divinis officiis & Concilio Aquisgranensi altero sub Ludovico Imperatore c. 8. Statutum etiam est, ut vel semel in anno, id est, in quinta feria, quæ est in cæna domini unctionio S. olei, in quo salvatio infirmorum creditur, per omnes civitates ab Episcopis non negligatur, sicut nunc usque neglecta est, sed omni devotione juxta traditionem Apostolicam ac statuta decretalium, in quibus de eadem re precipitur, peragatur. Idem constat de poster-

(a) in Evchol. p. 428. seqq. (b) Evchol. l. c. p. 429.

sterioribus temporibus ex rationali ante citato : (a) *Hic etiam* (sunt verba Duranti) *quinta feria secundo loco tripartitum oleum* (nim. infirmorum, crismatum & sanctum seu catechumenorum) *consecratur* : quoniam *hodie agnus Dei ad victimam seu vesperam immolabatur* : de cujus sanguine uterque postis & superliminare domorum, in quibus erat edendus linebatur : ut hoc signo viso exterminator egypti domus sacri convivii prateriret intactas : in quo prefiguratum est, quod sine frontibus nostris unctione crismatis quasi sanguine Christi, qui unctus interpretatus signum crucis imprimit : diabolus in domibus animarum nostrarum nullam nocendi habet Potestatem. Recte ergo qua die illud figurativum agebatur, significatum solenniter celebratur. Licet autem Durantus applicationem saltem faciat ad oleum chrismatis, reliquorum tamen non minorem habet rationem, ceu subsequens illius tractatio monstrat. Inter tria autem olea primo loco consecratur oleum infirmorum, ob rationem quam Durantus l.c. adducit : Primo ergo de oleo infirmorum dicendum est : nam illud prius est consecratum, quam crismatum & sanctum. Et est ratio, quia illius sacramentum prius fuit tempore quam crismatis vel sancti. Nam dominus discipulos suos docuit infirmos ungere, sicut in evangelio dicitur : oleo ungebant infirmos & curabantur : & Jacobus apostolus ait : Infirmatur quis &c. Oleum vero chrismatum & sanctum s. catechumenorum ab Ecclesia instituta sunt, & ideo consecratio olei infirmorum prior est tempore quam crismati, & etiam quam olei sancti : quia prior & major & venerabilior est doctrina apostolorum, quam Papa.

XX. Modus, quo illud consecrationis officium
fie-

(a) lib. 6. p. m. 102,

fiabat sequenti absolvitur ratione : vel coram lucerna in Ecclesia , cui vinum fuit infusum , ob momentum supra adductum , post varias præmissas cantiones à primo sacerdotum oleo benedictio recitatur : (a) vel si in domo fit , proponitur in mensa vasculum , in quo vinum & oleum ; (b) vel ut in nocturno illo officio legimus , (c) lavatur vitrea lampas , & capacissima lampas septem libras continens impletur oleo. Et sacerdotum unusquisque privatim sibi myxon cum ellychnio accendendo præparat : & vestes sacras sumit. Formula benedictionis olei in Euchologio l. c. ea est , quam nunc exhibemus : *Domine , qui in misericordia & miserationibus tuis animarum corporumque contritiones curas ; ipse Domine , oleum hoc Sanctifica : ut in medelam omnis passionis carnalis & spiritualis inquinamenti , & omnis denique mali depulsionem ex illo unctis fiat : ut in eo glorificetur sanctissimum nomen tuum : Patris & filii & spiritus sancti : nunc & semper & in secula seculorum Amen.* Caterum toto hoc ritu comprehenduntur septem preces , septem pericopæ Evangelicæ & totidemque Apostolicæ , quas omnes recensere velle , prolixum nimis esset. (d) Quilibet e presbyteris unam pericopam Apostolicam , unamque Evangelicam , unam itidem preces recitat. Si vero pauciores sint , quidam eorum dupla recitant : si vero unus tantum ad sit , legit ille omnia. (e)

XX. Consecratio huius olei in Ecclesia latina

D 2

qua

(a) Euchol. l. c. p. 413. (b) Critop. l. c. p. 120. (c) Euchol. l. c. p. 428. (d) Consulatur ipsum officium S. olei sæpius hæctenus citatum ex Euchologio p. 408. seqq. (e) Critopolus l. c. p. 121.

qua ratione peragi soleat , patere potest ex Rationali ante citato : (a) Hujus autem inquit, olei consecratio non habet tale principium, quale alia habent : quia non dicitur in eo. Dominus Vobiscum : nec oremus : nec sursum corda nec aliquid hujusmodi : nec etiam talem habet finem qualem in aliis consecrationibus dicimus : ut infra dicetur : sive per Dominum nostrum Jesum Christum &c. vel per eum qui venturus est judicare vivos & mortuos : sed sic clauditur. In nomine Domini nostri Jesu Christi. Et est ratio : quia benedictio ipsius olei sancti non est officium per se ; sed est embolismus præcedentis officii , quod apparet : quia componatur ante illud verbum canonis. Per quem hæc omnia Domine bona semper creas : statim benedictione ipsa finita, subjungitur. Per quem hæc omnia &c. Et sic est embolismus, id est adjectio præcedentis officii, sive illius orationis : Nobis quoque peccatoribus : ubi pro poenitentibus oratur. Est enim duplex embolismus , pro ut dictum est in quarta parte sub tit. de silentio post orationem Dominicam. Sed quare consecratio hujus olei canoni adjicitur : Respondeo. *Primo* ibi rationaliter oleum morientium conficitur : ubi mors Domini consumatur : ut licet mors Domini destruxit mortis auctorem : sic gratia quæ per unctionem morienti confertur : destruat peccata quæ sunt causa mortis. *Secundo* duo sunt de quibus in hoc officio agitur, sc. immolatio , Christi : & immolatio Ecclesiæ. Immolatio Christi fuit in cruce , Ecclesiæ cum peccatum moritur. De immolatione Christi fit mentio in introitu. Nos autem gloriari : & specialiter in canone : de immolatione Ecclesiæ fit mentio in Epistola ubi dicitur : Si nosmetipsos judicaremus non itaque judicare

caremur. Sunt etiam & alia duo sc. infirmitas & medicina. Infirmitas ex peccatis sæpe provenit : medicina de gratia DEI. De infirmitatibus ait Paulus in Epistola : Qui indigne manducat & bibit corpus & sanguinem Domini, judicium sibi manducat & bibit non judicans corpus Domini. Idcirco inter nos multi infirmi & inbecilles & dormiunt multi. De medicina dicit Jacobus : Infirmatur quis in vobis, inducat presbyteros Ecclesiæ : & ore ut super eum ungentes eum oleo in nomine Domini : & oratio fidei salvabit infirmum, & allevabit eum Dominus & si in peccatis sit dimittuntur ei. Si igitur propterea infirmantur, quia manducant corpus Domini indigne : & gratia spiritus S. quam significat hæc unctio eos solvat : merito consecrationi corpus Domini adjicitur consecratio hujus olei. Per passionem enim Domini cujus commemoratio fit in consecratione corporis prostratus est diabolus : & gratia Spiritus Sancti cujus signum est unctio diaboli arma, id est peccata quotidiana tolluntur. *Tertio* ideo consecratio olei infirmorum consecrationi corporis Christi adjungitur : quia novissima oratio consecrationis corporis Christi ex voto poenitentium fit. Congrue igitur sub ea consecratur oleum pro poenitentibus ubi eorum sacrificia Domino offeruntur. Consequenter attendamus aliqua verba consecrationis hujus olei infirmorum : dicitur enim ibi sic. Emitte Spiritum tuum Paracletum in hanc pinguedinem olei. Nempe non sine causa ponit ibi paracletum, quod patebit si triplicem olei efficaciam attendamus. Oleum sanctum præcipit, videlicet catechumenorum præcipitur diabolo : ut recedat à catechumeno, qui adhuc reputatur mortuus,

quousque non est baptizatus: oleum crismale jam viventes sanctificat: oleum infirmorum sauciatis medelam præstat: quia vero ægritudinem sequitur dolor unde in eadem consecratione olei infirmorum dicitur ad evacuandum omnes dolores & omnem ægritudinem: sequitur quoad dolorem consolatio: ideo recte ponitur ibi: Patetletum, quod interpretatum consolator. In mortuo autem qui dolorem non sentit, non sequitur consolatio: sc. nec sanus nec sanctificatus: quia in eo non est infirmitas ex qua dolor indiget consolatione. Circa oblationem ejusdem olei infirmorum notandum est quod in ordinario ita scribitur: Offeratur Pontifici oleum, quod offerunt populi antequam dicatur: Per quem hæc omnia semper Domine bona creas. Nempe hoc in Exod. XXVII. præfiguratum est, ubi dicitur Mosi, quod accipiat à populo oleum olivarum purissimum. Hucusque Durantus. Quæ omnia quoque invenies apud Amalarium de Ecclesiasticis officiis. (a)

XXI. In ecclesia Laudunensi ampullæ olei infirmorum, olei chrismatis, & olei catechumenorum, à Sacrario, seu Sacristia, alias vestiario, ad partes altaris processionaliter sub baldachino deferuntur velis contectæ; & ab altari ad secretorium reportantur. Præcedunt cantores pluvialibus & baculis argenteis accincti: deinde duo thuriferarii cum thuribulis fumigantibus; tum alii duo pueri cantantes versus præscriptos: quos subinde sequuntur sub præfato baldachino tres acolythi, seu pueri chorales albis, & cappulis inducti, ampullas prædictas manibus deferentes velis ab humero pendentibus obvolutis. Ipsos ab utraque parte cingunt duo-

duodecim sacerdotes, seu civisatensium Paræciarum Rectores amictu, alba, & casula circumamicti, qui ordine procedunt præfato sacrario per navim ecclesiæ; & circuitu facto per eam, ut sit locus cantandis versibus supradictis, accedunt per medium chorum ad presbyterium in solea circa regionem altaris, ubi ampullarum portatores, ipsas tradunt Archidiacono, qui eas ostendens Pontifici in mensa ante eum deponit ad consecrationem in conspectu omnium celebrandam. Qua peracta revertuntur omnes in sacristiam cum prædictis ampullis eodem ordine processions, quo prius ad Pontificem accesserunt, pueris pergentibus cantare versus in Rituali ecclesiæ Laudunensis ad hunc finem extratos. Hujus tam splendidi & instructi apparatus in his omnibus causa est, quod oblatio, actio sacra sit, & religiosa, quæ res oblata ab hominibus, dominio, & profano usu secernitur, & divino cultui tota dicatur, (a) Habentur in iisdem observationibus etiam aliæ ceremoniæ, quæ olim in ecclesia Rothomagensi seu Remensi fuerunt frequentate Feria V. de coena Domini, quas ex veteri Pontificali MS. quod servatur in sacristia ecclesiæ Rothomagensis, transcripsit Menardus in quo multa notatu digna continentur, quæ tamen non sunt hodierni usus. (b)

XXII. Oleum hoc, tam solenniter ultima ætate consecratum, certis aliquibus subjectis applicatur, quos Marcus evangelista appellat ἀρρώστους & Jacobus apostolus per voces ἀσθενεῖς & ἡμυντα indicat. Conditionem horum subjectorum Seldenus (c) colligere vult ex τῷ ἀσθενεῖ

- (a) vid. Ritus Ecclesiæ Laudunensis Redivivos Antonii Bellotte-
Parisiis 1662. p. 791 (b) Bellotte in observ. loco citato p. 794. seqq.
(c) De Synedr. Vet. Ebr. lib II. cap. VII. §. 11. p. 349.

ἀσθενεῖς tum naturæ, tum usu, ita ut tales intelligantur ægri, qui viribus deficiunt, quasi moribundi, etiam & animam cito expiraturi. Dein si ipse locus inspicitur, non qualiscunque ægrotus illi supponendus venit, quia tum ægri generaliter sic dicti, tum sani in eis, qui κακοπαθεῖσι, & ἐνθυμῶσι, jam comprehenduntur, ergo ἀσθενέουσιν ἐν πλησίον θανάτῳ pro infirmitatis usque ad mortem. (a) Accedit porro ex epistolis Paulinis oppositio, idem innuens, dum δυνάμεις, vis, robur, potestas, τῇ ἀσθενείᾳ impotentia, imbecillitati, etiam summæ opponitur. Denique tales ibi innui & à veteribus intelligi, quos Ebræi מַכְּזִים vocarunt, nec simpliciter ægros, qui illis מַכְּזִים vocitati, confirmat ex eo, quod extremæ unctionis sacramentum sic dictum, & maxime loco hoc fundatum, talibus aut qui statui hujusmodi, utpote in articulo mortis, proximant, nec alijs ægris aut infirmis in occidentalia adhiberi soleat; unde Rituale Romanum de sacramento extremæ unctionis: *Debet hoc sacramentum infirmis præberi, qui cum ad usum rationis pervenerint, tam graviter laborant, ut mortis periculum imminere videatur, & eis qui præ senio deficiunt & in diem videntur morituri.* Firmatque suam sententiam ex simili interpretatione Pontificiorum. De hinc transit a Jacobo ad Marcum atque ut apud illum ἀσθενεῖς, ita apud hunc ἀρρώστους eodem sensu pro ægris usurpat: id est perquam imbecilibus & viribus quasi omnimodis carentibus, quosque Marcus πολλοὺς dixit, eos nempe qui, cum medicinam aliam sibi utilem neutiquam reperirent, de saluta restituenda desperantes, velut miraculo

(a) Philipp. II. 27. 1. Cor. XV. 43. Rom. V. 6. IIX. 3. Ebr. VII.

culo sanarentur, ac quasi, in vitam reduces, fierent. Et ut synonyma ἀσθενεία & ἀρρώστια passim habentur, uti & ἀρρώστια, quemadmodum in horum oppositis sunt ἀσθενεία & εὐρωσία pro virium integritate, robore corporis infracto, sanitate, ut apud Hesychium, Suidam & alios. Tandem eo delabitur, ut τὸν κάμνοντα dicat ipsum mortuum, vel pro mortuo, cum apud probatissimos Græcos præter alias significationes, hac ratione accipiatur. Sic Suidas in κάμνειν : λέγεται δὲ ὅτι τῶν ἀποθανόντων : dicitur verò etiam de ipsis mortuis; & clarius Etymologicum Magnum, καὶ, κάμνοντας ἀνθρώπους, ἀντὶ τῆς τελευτήσαντας ἀποθανόντας ἔ' homines κάμνοντας pro eis, qui jam à vita discesserant ἔ' mortuis. Similia quoque invenies apud Joh. Lorinum in comment. in locum Jacobi. (a) Etsi autem hæ Seldeni cogitationes circa τῆς ἀσθενείας & ἀρρώστιας, instituto nostro non repugnent, cum omnino concedamus, tales infirmos ex numero illorum fuisse; sed an præcise ad hos restringi debeat, & non æque ad alios quavis infirmitate laborantes, nondum video, cum præcipue nec hujus vocis natura, nec usus me penitus convincere queant. Nam ἀσθενής dicit quidem eum, qui sine viribus, robore vel potentia est. Sed id vel absolute & simpliciter, vel respective in comparatione ad aliud vel ad meliorem statum accipi quoque potest. Sic dicitur γῆρας ἀσθενής & τείχος ἀσθενές, non quasi murus omni destituatur robore ad sustentandum quodcunque onus impositum, sed quod non par ac sufficiens sit habito respectu ad illud, cui nunc substernitur; item non quasi senectus semper omnibus exhausta sit viribus, verum quod in compara-

E
tione

tione cum adolescentia tantum non valeat, quemadmodum Xenophon loquitur : γῆρας ἀσθενέστερον τῆς νεότητος γινόμενον *senectutem imbecilliores factam quam adolescentia fuisset.* Confirmor quoque ex usu substantivi ἀσθενείας, dum pro quovis morbo accipitur : Sic Demosthenes : ὡς γὰρ ἀνέστη πάλαι ἐξ ἐκείνης τῆς ἀσθενείας, καὶ ἀνέλαβεν αὐτὸν, καὶ ἔχεν ἡλικίᾳ τὸ σῶμα *simul ac convalescere ab infirmitate seseque recreare contigit, & corpore omni valente* : & apud Platonem in Epist. ἐστὶ περὶ ἀσθενείας τὴν τῆς τραγούρας : *imbecillis est ex urina stillicidio.* E contra quando Græci defectum omnium virium indicare volunt, potius utuntur verbo ἐξαθενεῖν, prout Plutarchus de defectu oraculorum ἐξαθενεῖ καὶ νίνεται ἄτονον. Similiter dici poterit de voce ἄρρωστος, quæ plerumque accipitur pro eo, qui est infirma valetudine, seu extrema immineant, sive non. Πῶς unde vox illa deducitur, sonat corroboracionem, robur &c. ab Hesychio exponitur ὑγεία id est sanitas, valetudo. Erit ergo ἄρρωστος in genere is, qui caret sanitate, & est omnis ille, qui quovis modo cum infirma valetudine conflictatur. Neque subtilitatem illam sectamur, quam Ammonius urget, dum vult ἄρρωστῶν eo differre ab ἄρρωστος, quod ἄρρωστος quidem sit ὄντος id est, qui ægrotat, at ἄρρωστῶν sit, ὁ ἀδυνατῶν διατελεῖν τὰ κατὰ τὰς ὁρέξεις; cum Stephanus (a) in Lexico hæc, inter alia non pauca ejusdem autoris, magis subtilia seu curiosa, quam vera esse judicaverit. Dicerem quoque quædam de voce κάμνοντα, quæ nihil aliud quàm fatigatum, male se habentem, ægrotantem ex usu significat, nisi ipse Seldenus (b) monuisset, Scholiastem Aristophanis interpretatum fuisse κάμνειν ægitudine laborare & postea demum subjecisse, etiam

etiam de mortuis dici. Ex his, si jam rationem ducamus, subjectum cui oleum illud consecratum applicari potest, erit omnis is qui ægrotat, atque desideraverit, ut oleum illud cum precibus adhibeatur, sive dein auxilia humana cessaverint sive adæquata adhuc fuerint. Hæc nostra sententia firmatur ex Matthæo (a) & Luca (b) ubi Christus potestatem dedit, discipulis θεραπεύειν πάσαν νόσον καὶ μαλακίαν omnem languorem & omnem infirmitatem.

XXIII. Dum applicatur ægrotis hoc oleum, præter preces, quas semper adhibitas esse credimus, Augustinus (c) vel potius alius suis commendaverat auditoribus, ut præmissa eucharistia unctionem demum admitterent. *Quoties aliqua, scribens, infirmitas supervenerit, corpus & sanguinem Christi, illi qui ægrotat, accipiat, ac inde corpusculum suum ungat, ut illud, quod scriptum est, impleatur in eo: Infirmatur quis in vobis &c. Videte fratres, quia qui infirmitate ad Ecclesiam cucurrerit, & corporis sanitatem recipere & peccatorum indulgentiam merebitur obtinere. Cum ergo duplicia bona possint in Ecclesia inveniri: quare per incantatores & aruspices & divinos, vel sortilegos multiplicia sibi mala miseri homines conantur inferre? Hodie autem in Ecclesia Græca, eo consilio neglecto, aliæ ceremoniæ observantur, si tum Evchologium tum recentiores alios sequamur. Nimirum post orationem recitatam sacerdos accipit oleum sanctum, & illum, qui oleum desiderat, E 2 ungit.*

(a) cap. X.1. (b) cap. IX.1. seq. (c) de temp. serm. 215. vid. Dallium l.c. lib. 2. cap. 12. ubi non Augustinum sed alium hujus sermonis autorem ostendit, nihilominus autem spectare ad curationem quorumvis infirmorum.

ungit. Quas autem partes Græci ungant, Evehologi-
um non exprimit. Frontem tamen, mentum, genas
& manus, pectus & pedes iungi, ex aliis constat au-
toribus. *Ungit sacerdos*, inquit Simeon, *in crucis mo-*
dum agri frontem, ob contentas in ea cogitationes: fa-
ciem quoque inungit prepter sensuum organa; & postre-
mo manus: à pravis cogitationibus, & operibus eum ex-
pians, sanctoque oleo muniens illum & perfecte sanctifi-
cans. De pectore, unde exeunt pravae cogitationes &
infandæ cupidines, & de pedibus, ad iniquitatem attin-
gendam velocibus, mentionem non egit Thessalonicen-
sis, illorum tamen unctionem non omitti hoc tempo-
re affirmat Critopulus: (a) imo ellychnio tincto in oleo,
agrotum ungit in fronte, in pectore, in manibus & pedi-
bus, ubique figura crucis. Ex eo forte, quia tum in con-
secratione, tum in applicatione figura crucis toties ad-
hibetur, factum dici posset, quod oleum S. crucis di-
ctum fuerit, cuius supra jam mentionem fecimus. Has
inter ceremonias sequens oratio dicitur: *Pater sancte,*
animarum & corporum medice, qui filium tuum unigenitum
Dominum nostrum Iesum Christum omnem morbum cu-
rantem & ex morte nos liberantem misisti: sana quo-
que servum tuum N. à detinente illum corporis infirmi-
tate & vivifica illum per christi tui gratiam: interces-
sionibus super omnes sancta Domina nostra Deipara, &
semper virginis Mariae, protectionibus venerandarum super-
coelestium virtutum incorporearum, virtute pretiosa & vi-
vifica crucis, benorandi, gloriosi prophetae praeursoris &
Baptista Iohannis, sanctorum gloriosorum & toto orbe ce-
lebrium Apostolorum, sanctorum, gloriosorum & victoris
cla-

(a) l.c.p.120. addatur *Arcadius de concordia Ecclesia Or. & Dec.*
Lib.V. cap.7.

clarorum Martyrum & deiferorum patrum nostrorum,
sanctorum medicorum mercede non conductorum, Cosma
& Damiani, Cyri & Joannis Pataleonis & Hermolai,
Sampsonis & Diomedis, Photii & Aniceti, sanctorum,
& iustorum Dei parentum Joachim & Anna, & omnium
sanctorum. Amen. Quia tu es fons sanitatum, Christe
Deus noster, & tibi gloriam referimus: Patri & filio &
sancto spiritui: nunc & semper & in secula seculorum. (a)
Breviorem orationem habet Critopulus. (b) Sancte
Pater, qui in mundum misisti filium tuum unigenitum, do-
minum nostrum & Deum Iesum Christum, ut morbum o-
mnem cures, atque omni medeatur languori, etiam nunc
ipse in nomine unigeniti filii tui, gratiaque & adventu san-
ctissimi spiritus tui sana servum tuum N. liberans eum a
morbo quo laborat, & relevans ipsum molesto lecto, ut
recte valens celebret te aeternum Patrem & coeternum fi-
lium tuum una cum spiritu tuo coeterno, deum unum in
tribus hypostasibus & una essentia, cui gloria & honor &
potentia sempiterna, nunc & semper atque in secula secu-
lorum. Amen. Hæc oratio recitatur ab unoquoque
sacerdotum: si vero unus tantum adfuerit; septies
ungit ægrotantem, septies superiorem precationem
subjiciens. Olim brevissimæ erant orationes, dum sal-
tim oleo ægrotis adplicato dicebant: In Nomine Jesu
Christi c.g. aperiantur oculi tui &c. ut ex supra addu-
ctis exemplis videre est, quibus adhuc aliud adjicimus.
Narrat Eustathius presbyter in vita Eutychii Patriarchæ
Cpolitani, solitum illum Patriarcham, dum ægrotan-
tes, qui ad se accedebant, oleo sancto ungens curarer,

E 3

dice-

(a) habetur hæc oratio in Eucologio p. 417. una cum notis Go-
ris (b) l.c. p. 120.

dicere: in nomine Domini nostri Jesu Christi, quemadmodum inquit scriptor historia & divus Jacobus præcepit.

XXIV. Ad ductum Evchologii dehinc post varias orationes, in medium sacerdotum ingreditur, qui oleum sanctum suscipit, & acceptum sanctum evangelium ponit super caput ejus, sacerdotum præcipuus & manus illi sacerdotes reliqui imponunt; & dehinc ille denuo orationem elata voce pronuntiat. Quo ipso respicitur ad antiquum morem evangelium ægrotis imponendi, de quo Dn. Præses in dissertatione de cultu Evangeliorum, & Alphonsus Tostatus quæst. XXXIV. præfationis in Matthæum, qui ejusmodi ritus exemplum in Elisæo, baculum ad Sunamitidos filium, à mortuis exsuscitandum, mittente contemplatur; Deumque obstantium fidem affirmandam seu approbandam, vel reverentiam cultumque erga verba sua scripta exhibitum, miracula plura nonnunquam in infirmis sanandis patrasse asseverat. Aliam rationem ejusdem instituti deducit Goar ex orationis sequentis contextu. Ut Christus videlicet Dei verbum, in evangelio miranda ejus opera enarrante, manu sua omnipotentis extensa obsecrautis infirmi peccata deleat, veniamque concedat, quæ impositione manuum, tanquam reconciliationis signo solet in Ecclesia figurari. In officio nocturno, cujus supra mentionem facimus, unusquisque infirmi ungit frontem, & aures & singuli ellychnium, ut præmissum est, extinguunt. Posthæc totam domum ungunt signo crucis inter ungendum expresso, & canunt: *qui habitat in adjutorio altissimi.*

XXV. Hæc tamen hætenus deducta respiciunt solennem in ecclesia Græca infirmorum unctionem, quæ

quæ per presbyteros fieri debebat. Quemadmodum etiam ex concilio Cabilonensi idem patet, nec non ex capitularium lib. VI. (a) *Ut omnes presbyteri oleum infirmorum ab Episcopo expetant, secumque habeant, & moneant fideles infirmos illud requirere, ut eodem oleo peruncti gratia Dei sanentur, quia presbyteris fusa oratio fidei salvabit infirmos.* In ecclesia Romana autem, si Episcopus propter alias occupationes & potest & vult infirmos ungere, ei concessum est. Sic enim Innocentius loco citato: *Ceterum illud superfluum videmus adjectum, ut de Episcopo ambigatur, quod presbyteris licere non dubium est: Nam idcirco presbyteris dictum est, quia Episcopi occupationibus aliis impediti ad omnes languidos ire non possunt. Ceterum si Episcopus aut potest aut dignum ducit aliquem, à se visitandum, & benedicere & ungere chrismate sine cunctatione potest, cujus est ipsum chrisma conficere.* Repetuntur eadem verba in concilio Wormatiensi can. 72. & ab Alcuino lib. de divinis officiis cap. de infirmis. In universum autem constat, solennem illam unctionem non excludere illam, quam ipsi ægroti vel alii peregerunt, quibus presbyteri oleum dederunt, quod iterum ex more priorum temporum colligitur.

XXVI. Quo successu tandem hoc oleum fuerit antiquitus applicatum, testatur Marcus, dum unctioni addit sanationem ægrorum & Jacobus promittit laboranti seu male habenti salutem. Nec abludit sequentium temporum praxis. Sed quibus viribus adscribendus erit hic effectus, an naturalibus an supernaturalibus? Fatendum quidem est, habere oleum per se δύναμιν θεραπευτικήν, ut enim alias dicitur, oleum esse
secun-

secundum magistrum in rotatis fistulis & aliis machinis, sive quibus trahimus, seu quibus loco dimovemus; sic etiam in machina humani corporis plurimum ad motus varios facilitandos conferre potest.

Ἄνθρωπος δὲ ἐν τῷ ἑλαφον αὐτῷ, λιπαναί τε τὴν ἐπιφάνειαν, καὶ ἀνυψῆναι τὸ νοσῶδες, καὶ ἵνα τὸ σῶμα ᾖ, ὅσμην ἀναστῆλαι βαρύτεραν, εἰ καὶ πρὸς τὴν τοῦ ἑλαίου δεξιότητα. Sufficit itaque

oleum & ad superficiem cutis pingne faciendam, nervosque relaxandos, & ad corporis graviores reprimendū odorem, si etiam oleo adhuc opus habeamus, inquit Clemens Ale-

xandrinus. (a) Et forsā ejusdem verba, quæ habet de unguento (quod supra distinximus ab oleo) quodammodo huc referri possunt: ὥσπερ φαρμάκῳ καὶ βοηθήματι χρηστὸν τῷ μύρῳ. Πρὸς τὰ τὸ ἐπεγείρει τὴν ἀπαυδῶσαν δύναμιν, καὶ πρὸς τὰς κατάρξεις; καὶ πρὸς τὰς καλαψύξεις δεισαρέτησιν τε. καθὰ καὶ ὁ κομικὸς Φησίππ. Μύροις ἀπαλείφειν τὰς χεῖρας. ὑγείας μέρῳ μέγιστον, ὁδμῶς ἐγχεφάλων χρηστὰς ποιεῖν. Unguento tanquam medicamen-

to & auxilio utendum est, ut ad vires languentes excitandas & ad catarrhos, & ad refrigerationes, & ad fastidium. Quemadmodum alicubi quoque dicit Comicus:

Unguentis manus ungitur, quæ est pars sanitatis maxima, ut cerebro bonos odores faciat. Autor præterea est Athenæus (b) priscos Græcos adeo fuisse unguentorum studiosos, ut exploratum haberent, ecquod unguentum cuique membro humani corporis esset accommodatum. De oleo tamen mais solliciti, certum putamus oleo competere virtutem emolliendi & relaxandi, at vero cum vino permistum si fuerit, actio illius contem-

peratur & penetrandi vis adaugetur, qua carnem à pu-

tre-

(a) Padagog. Lib. II. p. 178. (b) Lib. XV. cap. 12. p. m. 689. edit. Casaub. Lugd. 1612.

tre dine præservat & vindicat & partes male affectas corroborat; quo ipse fieri putat Hieronymus Bardi Genuensis Philosophus, medicus ac Theologus (a) ut simul rite & recte junctis vino & oleo, mirandæ virtutis Balsami christi rationem sortiantur. Judæi dicunt, & quidem ut Joh. Ligthfoot vult in horis hebraicis ad Marci locum, (b) vere unctionem talem fuisse medicinalem, quamvis non semper obtineret. Agnoscit tamen unctionem Apostolorum nunquam non obtinuisse. Sub finem iterum pergit: *Detur, unctionem talem fuisse medicinalem, quod nequaquam potest negari, & tum nihil obscuri est in verbis Iacobi: advocentur presbyteri ecclesie, & ab iis, vel iis presentibus, ungatur agrotus, & jungantur cum ordinaria ista medicina, eorum preces.*

XXVII. Verum enim vero etsi lubentes concedamus, magnam esse & olei & vini virtutem, tamen effectus illos Apostolorum & presbyterorum in primitiva Ecclesia omnes fuisse naturales nobis persuadere non valemus. Nam idem ille Christus, (c) qui Apostolis ἐξουσίαν dederat τῶν πνευμάτων τῶν ἀκαθάρτων, potestatem quoque iisdem concessit agros sanandi; id quod patet ex loco parallelo, (d) quo Christus discipulis suis potestatem dedit spirituum immundorum, ut ejicerent eos καὶ Θεραπεύειν πᾶσαν νόσον καὶ πᾶσαν μαλακίαν: *Et curarent omnem languorem & omnem infirmitatem: & iterum jussit: (e) ἀδελφοί, θεραπεύετε, λέπρες καθαρίζετε,*

F

15-

(a) in medico Politico Catholico seu medicina sacra tum cognoscenda tum faciunda Idea cap. 10. corollar 8. p. 233. ubi m. monet, quod de eorum operatione fusius egerit in latrochymurgia lib. 3. sect. 9. art. 1. & 3. (b) p. 617. (c) Marci VI. 7. (d) Matth. X. 1. Luc. IX. 1. seq. (e) Matth. 1. c. vers. 8. Luc. X. 9.

venēs ēyeīēē, dānōvīa cābānēē, infirmos curate, lepro-
fos munate, mortuos suscite, demones ejicite. Nec
eventus defuit, (a) LXX. enim reversi cum gaudio di-
xerunt : Domine etiam demonia subjiciuntur nobis in
nomine tuo, maximum sc. proferentes, de eo autem,
quod minus videbatur, non dubitantes. Accedit alter
locus Iacobi supra citatus, qui satis perspicue monstrat,
quod post peractas preces & unctionem cum oleo in
nomine domini, promittatur laboranti salus per fidei
orationem & erectionem à Domino. Non ergo viribus
olei vel olei vino permixti adscribi debet hic effectus,
sed ab altiori principio deduci. Et qui quæso posset
oleum morbis toti genere diversis ex natura sua satis-
facere, cum gaudeat virtute emolliendi & relaxandi,
quæ morbis ad strictionem desiderantibus non responde-
bit. Id quod author libri de unctione chrismatis (qui non
est Cæcilius Cyprianus, sed Arnoldus Abbas Bonæval-
lis O.B. in diocesi Carnotena, à qua Carnotensis di-
ctus, & circa annum MCLXII. vixit, (b) observavit,
non minori jure oleo infirmorum adplicandum. Nihil
boc oleum commune habet eum liquoribus, qui ex quo-
rundam fructuum pinguedine exprimuntur, nec vis ejus
est ex crassitudine penetrativa, quæ secundum quasdam
naturales rationes emollit & temperat spissamenta, quæ
solet intrinsecus astringere siccitas aliqua vel corruptio
conglobare. Non hæc medendis corporibus est unctio in-
stituta : quia sanctificatis elementis jam non propria na-
tura præbet effectum, sed virtus divina potentius opera-
tur, sed adest veritas signo & spiritus sacramento &c. Nec
de

(a) Luc.X.17. (b) qui habetur inter opuscula vulgo adscripta Cy-
 priano edit. Bremens p.47.

de nihilo est, quod ex recentioribus Græcis sæpe laudatus Critopulus (a) monet. Non omnes qui hominibus accidunt morbi ex intemperie atque inæqualitate elementorum, è quibus corpora composita sunt, oriri solent, sed etiam ex peccatis, tanquam poena divinitus superveniens electis a recto aberrantibus in correctionem & castigationem reliquæ vitæ. Probaturus autem hanc thesin scribit sequentem in modum. *Caterum multos*

etiam morbos propter peccata obvenire, sufficienter à Domino didicimus, dicente ad paralyticum: Ecce sanus factus es: ne posthac pecces, ne quid deterius tibi contingat. Manifestum itaque est, paralysin propter peccata accidisse paralytico: proinde & multis aliis. Recte igitur Ecclesia Deum misericordem orat, ut agrotanti peccata illa remittat, quibus presenti morbo, tanquam virga paterna, obnoxius factus sit. Hoc enim vult illud: Quamvis peccata commiserit, remittentur ipsi. Non dubitat hic Apostolus de eo num quis christianorum peccator existat: novit enim omnes nos in iniquitate conceptos atque in peccatis natos esse; item illud: Si dixerimus: peccatum non habemus, mentimur. Itaque non simpliciter si peccator est, sed etiam si propter peccata morbus ei accidat, una cum poena ei remittetur.

XXVII. Agnoscit Seldenus nobiscum hunc effectum, alium tamen eumque majorem Iacobi verbis adhuc indicari conjectatur. (b) Nimirum forsan illud de Presbyteris accersendis, spectavit ad moribundo seu pro moriente habito usitatum officium pollicituræ adhibendum, illud quod in inungendo cum

(a) l.c. p. 118. seqq. (b) l.c. p. 363. seqq.

orationibus sub vitæ ejus exitum, seu verum seu creditum habebatur: nec imperative sumendum forte *προκα-
λεσάτω accersat*, sed admissive tantum, seu ut conce-
dentis dictum. Etiam si adeo *ἀδυνάτος* seu imbecillis fu-
erit, ut presbyteros ad se accersendos voluerit, ut secum
nimirum orarent & mortuum ex more pollincerent, a-
deoque etiam pro jam mortuo seu oculos claudendo
seu aliter illum inungerent, nihilominus ἡ εὐχή τῆς πί-
στεως precatio fidei σώσει τὸν καμνοντα, quod bene reddi
posset, *salvum faciet* ipsum etiam *mortuum* pro mor-
tuo scil. habitum, seu etiam si de exitu animæ ejus neu-
tquam dubitaretur. Usus hunc imperativi illustrat
locus Iohannis: (a) *solvite destruite*, & postea urget usum
vocis *καμνοντα* apud quosdam authores clasicos. Pro-
vocat dein ad Prophetas veteres, & christianos primiti-
vos aliosque, mortuos aliquot seu *καμνοντας*, saltem eos
qui videntur mortui, in vitam & sanitatem, oratione
efficaci etiam & aliter restituisse: quemadmodum
& à S. Petro Tabitham resuscitatam, ut & à S. Paulo
Eutychum id est à Domino per eos resuscitados legimus.
Et sensui huic favere arbitratur illud S. Jacobi καὶ ἐγερῇ
αὐτὸν (seu τὸν καμνοντα) ὁ κύριος, ὅς, *resuscitabit eum Do-
minus*. Eadem enim vox ἐγείρω expergefacerere & ejus-
modi alia per se significans, non raro in novo fœdere
habetur pro *mortuum resuscitare, excitare*, in vitam re-
ducem facere. Simul etiam cum infirmorum sanatio-
nis dono illo singulari, quo discipulos suos Christus di-
gnatus est, conjungitur ab eo *καὶ ἐγείρετε* mortuos *ex-
cite*; & postmodum de resurrectione mortuorum,
seu pro mortuis habitorum, usurpatur in sensu quidem
yelut

velut scripturæ proprio. Et Hesychio ἐγερει, ἀναστήσει resurrectionem a mortuis aut quasi denotat. Ita oratione hac fidei etiam mortuus aut pro mortuo per virium defectum habitus, resuscitandus. Et locutionis commutatio ejusmodi, ut quem ἀδελφόν αὐτοῦ adeo pauculis ante verbis vocasset Jacobus, eundem jam (quasi idem undique ipsum nollet) τὸν καί μιν ὄντα nuncupat, innuere videtur hoc aliud & gravius quoddam significare, maxime cum articulus adjiciatur, ipsum etiam mortuum aut pro mortuo & pollincendo habitum.

XXIX. Hæc ferè sunt Seldeni momenta, quæ pro nova tum versione tum sensu loci Jacobæi in medium adduxit: sed bene est, quod ipse toti tractationi hanc clausulam imponat: *Nil hic definimus: ut perspicacius, quæ attulimus, considerentur, tantum proponimus, ingeniosioribus ea libenter submittentibus.* Præterea pollincturam sive inunctionem mortuorum in sepulturam, familiarem fuisse tam Judæis, quàm Romanis Græcisque novimus, sed an ea applicari queat ad loca Marci & Jacobi non videmus. Quæ enim a Seldeno fuerunt adducta, sæpe meris nituntur conjecturis, quas suo relinquimus pretio: vel ab exemplo aliorum possibilitatem inferunt, quæ tamen actualitatem non statim ponit: vel procedunt ab acceptione vocis, phraseos vel formulæ in alio loco adhibita, quam vel contextus vel ipsa substrata materia exigit, ad præsentem locum, ubi a nullo illorum ad talem vocis significationem assumendam cogimur. De verbo καί μιν supra iam quædam monuimus: verbum autem ἐγείρω etsi multis in locis Novi Testamenti denotet excitare, suscitare, resuscitare a mortuis, adeo ut græcæ literaturæ cultores fa-

teantur illam esse frequentissimam significationem in Novo Testamento, suadente nimirum & contextu & materia substrata; nihilominus non deest locus, ubi *γείρειν* significat corpus ex morbo decumbens, sanitate restituta, erigere. (a) Christus enim *προσελθὼν ἠγείρεν αὐτὴν accedens erexit eam*, nempe socrum Petri, id est interprete Theophylacto, *ἰὰ το αὐτὴν sanabat eam*. Atque sic etiam in Jacobi loco *ἐγερὲι αὐτὸν ὁ κύριος* eriget infirmum illum Dominus sanitate restituta. Neque juvabit illam sententiam, quod dono sanationis Apostolis à Christo concessis jungatur *νεκρὸς ἐγείρετε*, cum ibi diversa ponantur subjecta cum diversis quoque prædicatis, heic autem idem manet subjectum, ut supra fuit ostensum. Accedit consensus multorum Patrum & interpretum in Ecclesia clarissimorum, de restitutione non vitæ sed sanitatis hoc loco intelligenda.

XXX. Quamdiu denique hæc virtus miraculosa in Ecclesia duraverit, determinari à nobis non potest. In ea plantanda promissio a Christo data fuit, de miraculis verbum prædicatum insequentibus, cui exasse quoque respondit horum uberrimus proventus. Postquam autem Ecclesia plantata jamdudum est, de voluntate Dei amplius certi esse non possumus, deficiente præcipuè promissionis verbo. Quo referri debet Augustini effatum: *Vt quisquis adhuc prodigia querit, ad hoc ut credat, ipse magnum sit prodigium, cum toto mundo credente ipse non credat*. Interea tamen tantam Dei nostri potentiam esse scimus, ut nullis temporum vel locorum terminis includi illa valeat.

XXXI. Esi autem hæc ita deducta, de curatione mor-

(a) Marci I. 31.

morborum per oleum sanctum, occasione locorum, Nov. Test. illa ratione sese habeant, consentiente multorum seculorum praxi, & præcipuis Ecclesiæ Romanæ Luminibus; nihilominus alii rem omnem in utroque loco non tam ad curationem corporis quam animæ spectare arbitrantur, remissionem nimirum peccatorum, ut exinde extremam unctionem eo melius stabilire queant. Afferit hoc Maldonatus (a) circa locum Marci, cui directe contradicit, utpote in quo legimus ægrotos ab Apostolis oleo fuisse inunctos & sanatos. Ne vero rem frustra dixisse videatur, sequentes adducit rationes: oleum non esse medicamentum ad curanda genera omnia morborum: Apostolos, siquidem voluissent miraculo curationis homines convetere ad Evangelium, non curaturos fuisse oleo; quia omnes existimassent naturaliter ægrotos fuisse sanatos: nihil opus fuisse ejusmodi signo, cum secuta statim sanitas fidem miraculo faceret, quam abrogare potuisset oleum adhibitum, & alias non solemus uti signis ad ea, quæ oculis cernuntur. Verum huic primo opponimus rationes Bellarmini supra adductas pro loco Marti, & curatione morbi corporalis, cui addimus Jansenium, Sorum, Svarezium, Gonetium, Amicum, Castropalaum & Augustinum Abbatem Ensidensem. (b) Dein ex supra dictis constare potest, oleum nec omnibus respondere morbis, nec hos in instanti tollere, sed adhibitum fuisse tanquam symbolum curationis, supernaturali Christi virtute præstandæ. Et quæ tandem veritate dici potest à Maldonato quod ad

(a) T. II. de sacr. q. 1. de extr. unct. p. 204. (b) Tom. V. Theol. Scholast. quæst. XI, art. 1. controv. 3 p. 201.

ad ea quæ oculis cernuntur non opus habeamus signis , cum praxis Prophetarum in Vet. Testamento , Christi autem & Apostolorum in Novo Testamento multa huic asserto contraria exempla nobis suppeditet. Prolixius hæc discussit Jo. Dallæus. (a)

XXXII. Circè Jacobi locum plures sunt occupati, arbitantes, si in aliquo certe hoc loco fundari unctionem, quæ sanaret animum virtute sacramentali. Multus est in eo Bellarminus, (b) dum ex singulis Jacobi loci vocibus id ostendere laborat. I. namque *infirmatur*, inquit, *quis invobis*: at si de miraculis ageret, generalius loqueretur, & non duntaxat decumbentibus, sed etiam iis qui non decumbunt consuleret. II. *Inducat presbyteros*. At si de miraculo ageret, diceret potius, inducat Prophetas, aut alios, qui donum habent curationum, non soli aut omnes presbyteri etiam tunc habebant donum curandi. Cui rationi subjungit, quod non probabile sit Apostolum jussisse fidelibus, ut miracula quærent, signa enim infidelium sunt non fidelium. III. *Orent super eum ungentes eum oleo*. At si de miraculis ageretur, non præscriberet Iacobus materiam, cum certæ alicui rei virtus miraculorum alligari non possit. IV. *Et oratio fidei salvabit infirmum & allevabit eum Dominus*. Hæc sane absoluta promissio est, proinde referri non potest præcipue ad corporalem sanitatem, quæ non semper obinebatur; ergo vel falsa est absoluta illa promissio Jacobi, quod fieri non potest, aut quod verissimum est ad animam præcipue & absolute referenda est. Vult (c) id quoque ex ipsa

(a) De extrema unctione cap. 5 p. 7 seqq. (b) De extrema unct. cap. 3. p. m. 85 seqq. (c) p. m. 87.

ipsa vi vocis confirmare, cum allevare per methaphoram Scripturæ S. familiarem, significet etiam pellere mœ-
rorem, tristitiam, negligentiam, soporem & desidi-
am animi, quæ propinquos morti valde deprimere & gra-
vare solet, ut non facile possint mentem ad DEUM at-
tollere. V. *Etsi in peccatis fuerit, dimittentur ei.* (a) Hæc
vero particula tam expresse ad animam pertinet, ut
non sit locus tergiversationi. VI. Omnia alia quæ ha-
bentur in epistola, seu ante hunc locum, sive postea,
non ad eos solos pertinent, qui tunc vivebant, sed et-
iam ad nos, qui doctores futuri eramus, ergo etiam illa,
quæ eodem tenore verborum in medio posita sunt.
Sed nec singulæ positæ voces, nec simul sumptæ Bellar-
minum ullo modo juvare possunt: Nam, ut nunc ni-
hil dicamus, quod Bellarmino Cajetanum opponere
possimus, I. supra jam fuit ostensum, quod *ro infir-*
mari non tantum accipiatur de graviter decumbenti-
bus, sed quoque de quibusvis aliis quovis modo labo-
rantibus, non repugnante quoque historia curationum
superius adducta; satis ergo generaliter loquitur A-
postolus. II. Nomen Presbyterorum Jacobi tempore
adhuc late patebat & seniores omnis ordinis & digni-
tatis denotabat: quemadmodum ipse Bellarminus l. c.
scribit: nomen presbyteri, seu senioris in Novo Testa-
mento fere ubique accipi pro ministro Ecclesiastico.
Cum ergo his curationum donum fuerit concessum,
licet non omnibus, bene dicit Jacobus indefinire: *ac-*
cersat presbyteros. Et quod Bellarminus de Prophe-
tis dicit, plane non quadrat, quemadmodum nec al-
terum, de non quærendis miraculis. Cum ægroti
non jubeantur quærere miracula, ut illis permoti cre-
derent,

G

(a) Conf. etiam Lorinum l. c. p. 788.

derent, sed ut illis à DEO oblatis cum gratiarum actione uterentur. III. Adhibere in miraculosa sanatione certam materiam, in historia miraculorum absolum non est. Interim lubentes fatemur virtutem miraculorum saepe etiam se exeruisse sine materia. Quemadmodum Apostoli multos curarunt sine oleo, & tamen multos pariter sanarunt mediante oleo. Ut adeo Apostolus hoc loco loquatur de eo, quod usitatum, solenne ac frequens in ecclesia fuerat. Præterea admodum ambigue dicitur, certæ alicui rei virtutem miraculorum alligari non posse: vel enim in ordine ad effectus id intelligitur, ita ut sensus sit, per certam aliquam rem virtus miraculorum ad plures diversosque effectus, se exserere non potest; atque sic erit hæc propositio contra veritatem historiarum miraculorum: vel exclusive intelligitur, ita ut sensus sit: virtus miraculorum alligari non potest certæ alicui rei, ut ista se non valeat amplius exserere, per aliam, tunc commodus hujus propositionis sensus admittitur. IV. κατ' ἀνθρώπων dicimus, nec animæ sanitatem per illam unctionem semper fuisse obtentam, si præcipue ex consuetudine adhibita fuerit. Deinde presbyterorum hoc erat donum, non ut miracula quoties vellent & in quos vellent nullo discrimine ac pro sua libidine ederent, sed quoties id ad gloriam DEI & hominum salutem utile erat. Id autem dijudicabat idem ille Spiritus, qui eos in his regabat, cujusque nutui atque arbitrio sese permittebant. Quæ porro de voce *allevare* urget, ejusdem sunt rationis ac illa, quæ supra ex Seldeno vidimus, si generalia scilicet respiciamus. Nimirum non obstante, quod vox vel phrasidis aliqua in certo quodam loco, exigente sic materia substrata, peculiari sensu accipiatur, fieri potest, ut ali-

bi, flagitantibus id textus subjecto vel aliis circumstantiis, alium quoque nobis pariat sensum. V. Unius positio non est alterius exclusio, præcipue cum expresse jam fuerit positum. Sanatio animæ non tollit sanationem corporis: utrumque beneficium sæpe simul fuit collatum præsertim illis, qui in Ecclesia fideles vivunt. Dein non primario sed secundario saltem promittitur animæ sanitas, cum dicitur *etsi quis in peccatis fuerit* &c. quod tamen, in sacramento extremæ unctionis aliter fieri debebat. VI. Si ea quæ medio loco ponuntur ejusdem conditionis sunt cum extremis, facile assertum concedi potest, ad omnes spectare. Cum vero actus, qui præcipitur hoc loco hujusmodi sit, ut vel non omnibus, vel non semper, aut ubique ejusfungendi facultas & copia sit, præceptum, quo is actus jubetur, non ad omnes, nec ubique aut semper, sed ad nos tantum pertinet, quibus ea facultas est. Qua ratione ad singulas Bellarmini objectiones respondeat admodum prolixè Joh. Dallæus, (a) videatur loco citato in libro de extrema unctione.

LX. Dum ergo per illam olei unctionem obtinebatur non animæ sanitas primario & per se, profecto non ultimum sacramenti requisitum deest. Nam ad hoc requiritur, ut animæ gratiam justificantem vi propria conferat, sed heic loci observavimus orationem fidei servare laborantem & remissionem peccatorum referri ad preces. Quid dicemus de reliquis Sacramenti conditionibus? Non est Christus hujus institutor, nec Jacobus primæ alicujus institutionis promulgator, sed adhortator saltem. Non adest materia à Christo instituta. Nam oleum præcise à Christo institutum ex nullo Nov. Test. loco probari poterit. Nec forma ostendi potest à Christo assignata.

G 2

Nam

(a) cap. VII. p. 26. seq. & cap. 8. p. 37. seq.

Nam preces Græcorum & Latinarum variant, nec ullibi in S. Scriptura hac ratione præcepta leguntur. Hæc autem requisita sacramenti essentialia si deficiunt, ipsa sacramenti essentia deficiet.

XLI. Quapropter merito ex Ecclesiis nostris exulat hæc unctio per oleum, non tantum ut superstitiosa, si habeatur tanquam Sacramentum, quod gratiam justificantem ex opere operato conferat, sed etiam ut frustranea, si donum miraculorum cessavit pridem. Recte autem adhuc pro ægrotis retinentur preces, priori sublato. Ne vero quis putet, ac si fideles apud nos sine omni prorsus unctione salventur, pro more suo B. Huunius (a) rem erudite sequentem in modum deduxit: Habent suam fideles unctionem ex Deo, qua confirmati in extremis adversas tentationes diaboli, cogitationes mortis ac terroris inferni consistant. Dicuntur enim & sunt Christiani, id est, uncti à Christo sancto sanctorum sic denominati, qui Spiritu Sancto unctus sine mensura, de hac sua plenitudine fidelibus suis communicat gratiam pro gratia, & effundit eundem spiritum super nos quo & ipse est unctus. Juxta quod scriptum est: II. Cor. I. 21. Qui confirmat nos una vobiscum in Christum & qui unxit nos Deus est, qui etiam obsignavit nos, deditque arrham spiritus in cordibus nostris. Et I. Joh. II. 17. Unctio quam vos accepistis ab eo, manet in nobis, & non necesse habetis, ut quisquam vos doceat, sed unctio ipsa docet vos de omnibus, Ibi per unctionem aliud nihil quàm Spiritum S. intelligit, ejus virtute uncti & obsignati, roboratique fideles, non dubitant de gratia Dei & remissione peccatorum. Siquidem iile *ὁ ἰστοῦν* seu adoptionis Spiritu testimonium eis perhibet, quod sint filii Dei Rom. XII. 16. Atque sic feliciter

(a) De Sacramenti cap. 7. p. m. 1009. Tom. I. oper. lat.
edit. Witteb. 1607.

liciter emigrant ex hoc seculo malo, quotquot hac unctione confirmati in misericordiam Dei fiducia Meditatoris recumbunt. Quam ad rem in fidelibus excitandam verbo opus est, quo tanquam oleo fides nostra in lampade cordium fovetur & alitur: opus item Sacramento Evcharistiæ, quo sigillatim illa Dei gratia remissioque peccatorum sanctissimi Christi corporis & sanguinis nobis sancitur.

TANTUM.



Clarissimo Viro

CONRADO GOTHOFREDO
Ziefftrund

Ph. M. & SS. Theol. cultori

S. P. D.

JO. ANDR. Schmidt P P.

Perfectum Theologum ex utroque constare, antiquitates sc. historiasque omnium Ecclesiarum nosse & dogmatum seriem, & Scriptura S. non duntaxat habere perspectam sed & accurate illam proponere, ad praxin ad deducere, imo si necessum fuerit adversus ἀντίλεγοντας solide defendere, recte iudicasti. Prius enim Tibi monstrat faciem ecclesiae omnium temporum, ut aliis ostendere queas quam longe distent hodie ab ea felicitate quam se solos possidere credunt. Posterius autem te aptum reddit perfectumque ad omne opus bonum. Cum ergo in hoc cum laude Doctorum Tuorum Te hactenus probe exercueris, & in illo monstrare voluisti hospitem Te non esse. Elegisti eum in finem
argu-

argumentum de curatione morborum per oleum sanctum, & rerum varietate jucundum & usu non contemnendum, si doctrinam sacramentorum, quæ ab aliis ponuntur, cogita-
veris. Quod quemadmodum heri contra
eruditæ opponentium objectionis me præside
defendisti egregie, sic post exantlatos labores
ex animo Tibi de publico hoc specimine gratu-
lor. Faxit D. T. O. M. ut studia Tua porro
cedant in ecclesiæ commodum, & Tuam Tuo-
rumque utilitatem. Adsint Tibi in itinere
angeli custodes atque incolumem Te ducant
domum, quam ut sine funere videas ex candi-
do pectore voveo. Vale. Dabam e museo

d. XXIII. JUN. A. O. R.

MDC. VC.



